



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Benedicti Ariæ Montani Hispalensis Poemata**

In Qvatvor Tomos Distincta

Humanæ salutis Monumenta, & Odæ variæ

**Arias Montano, Benito**

**Antverpiæ, 1589**

Benedicti Ariæ Montani Hispalensis Odæ Non antea editæ.

**urn:nbn:de:hbz:466:1-44973**

BENEDICTI  
ARIÆ MONTANI  
HISPALENSIS

ODÆ

Non antea editæ.

II

*Concitatam in se inuidiam deprecatur.*

**Q**VI summa prudens imaque prospicis  
 Iniuriarum fraudis & arbiter,  
 Seuerus obliquæ nocentum  
 Inuidiæ scelerisque vindex.  
 Pauperculorum cerne Pater pecus,  
 Nati redemptum supplicio rui,  
 Cui graminis pastum salubris  
 Suppeditas fluuiosque pueros.  
 Erecta te Spes candida, te Fides  
 Laudant secutæ, & præsidium sibi  
 Certum fatentur, te fauentem  
 Simplicitas Probitasque norunt.  
 Videns Leonum quàm rabidus furor  
 Frendens quiles me pecudem tuâ  
 Circumstet imbellem, luporum  
 Acre genusque olidæque vulpes,  
 Immanis vrsæ me soboles ferox  
 Contentiosis insequitur minis,  
 Iniurioso crebra morsu  
 Turba canum miserum fatigat.  
 Horum ipse nunquam cæca cubilia  
 Tentauit, & horum non adij specus,  
 Non ore gustare aut cruentas  
 Horum epulas memini me auenti.  
 Scis me reducti montis in arduam  
 Rupem propinquam nubibus, auios  
 Optasse securum recessus,  
 Graminaque innocuosque riuos.  
 Vicina noster non tetigit grauis  
 Pes rura cuiquam, vel fata, vel nemus,  
 Nec bullientis pura fontis  
 Lympha meo est remerata gressu.  
 Scis me viarum, quas bonus approbas,  
 Errasse nunquam callibus exteris,  
 Herbamve fallacis veneni  
 Aut veritas petiisse frondes.  
 Senti laborem (nam fateor) mali  
 Morbi, sed illum non mala mens mihi

Ast

Aft impotentis culpa prauī  
 Congeniti & vitij ferebat.  
 Sed me dolentem tu medica manu,  
 Tu voce Pastor prouidus eripis,  
 Præceptor & monstras cauendum  
 Detegis ac monitor periculum.  
 Te nolle iuras perdere languidum  
 Pectus, fouendam sed pecudem bonus  
 Disquisis errantem repertor  
 Impositamque humeris reportas.  
 Nunc ipse tantis rictibus vndique  
 Dum voce, magno dum fremitu petor,  
 Miranda spectanti stupentum  
 Prodigia exhibeo coronæ.  
 Non membra, non sunt pinguia viscera  
 Parco ciborum & graminis aridi,  
 Non detrahendis apta longis  
 Vellera sunt mihi densa lanis.  
 Simplex canenti vox superest mihi  
 Formata certè muneribus tuis,  
 Qua te Parentem, qua vocare  
 Te soleo Dominum Deumque.  
 Hæc dona (quæ tu laudibus in tuis  
 Adscribis alio numine) perdere  
 Conatur in me turba frendens,  
 Et studio insequitur nocendi:  
 Non dens mihi, non cornua, queis malos  
 Vitare possim, vertere & impetus,  
 Non calcis extremum fugacis  
 Præsidium aut fuga certa crurum.  
 Primis ab annis sepius agnitæ  
 Spes vna curæ mi reliqua est tuz,  
 Istoque mens firmata semper  
 Consilio auxilioque dolci,  
 Tuum rueri perge opus, ac tuis  
 Assertor adsis laudibus; haud sine  
 Celandi nostro pulchra casu  
 In tenebris tua dona mergi.  
 Erroris aut si criminina nunc mei  
 Punire mens est, ipse tuis Pater  
 Exerce virgis, & salubri  
 Corrige me baculo reductum.

Aft

1 2

Clementiz

Clementiæ qui dum corripis immemor  
 Nunquam fuisti, percutis ac doles,  
 Plagasque constanter ferentum  
 Prouidus assiduusque curas.  
 Vel si inuidorum dentibus asperis  
 Me vis perire; ast da tamen unice  
 In me fames pellatur horum  
 Et feritas inimica sistat.  
 Nostri cruoris vi Pater hos pios  
 Mitesque redde, ac munificus, doce;  
 Prodesse quo discant tuisque  
 Muneribus sapienter uti.  
 Namque ipse quondam vertere iam lupum in  
 Agnum sciebas; tuque furentium  
 Infana mutabas in alium  
 Vasa decus placidumque in usum.  
 At verò iniquis munera si tua  
 Spectantur in me luminibus, precor  
 Illos adornent vt benigna  
 Plura manu & meliora per te.

---

## DE MORTE IOANNIS

### DELGADI.

**E**heu damna mei plurima seculi  
 Cogor continuos cernere per dies,  
 Vexorque immodicis luctibus impotens  
 Addicorque doloribus!  
 Oris me quibus ô propitius Deus  
 Expertem pauidi sistere nuncij,  
 Assuetæque diu mœstitiæ volet,  
 Afferre & lachrymis modum?  
 Quis nunc Hesperia casus in vltima,  
 Terram præcipiti concutit impetu,  
 Cuius me subitus tam procul hospitem  
 Romæ permoueat fragor?  
 Ergo terra tegit te, bone Delgade,  
 Et Tyde exiguo membra premit tua  
 Saxo? membra animus quæ tenuit pius,  
 Priscæ laudis & æmulus.

Quales

Quales diuitiæ nunc pereunt mer?

Quales Hesperix nunc pereunt opes?  
Nec sentit populus, qui bona maxima,  
Cum fas noscere, negligit.

Sed nouere sacro in concilio Patres,  
Dudum ter gemino quos habuit iugo,  
Inclusosque suis audit Alpibus  
Tridenti Lathesis parens.

Nullum te (liceat vera dolentibus  
Percussisque graui vulnere dicere)  
Europe hoc genuit tempore in optimis  
Maiorem artibus edidit.

Seu (qui primus honor) te Pietas sibi,  
Et sanctus proprium conciliet Timor,  
Inuictique iuuul robore pectoris  
Firmet, proposito & graui:

Seu te pura Fides, almaque Charitas,  
Seu Spes non tenuis prouida præmij,  
Quem nunc cæca hominum turba petens antea,  
Mundum spernere iusserat.

Nam Rex iudicio te bene prouido  
Delectum Siculis gentibus in patrem,  
Haud mercede leui nec popularibus  
Optarat dare honoribus.

Et maiora tibi pluraque poneret  
Inflatrix tumidi gloria pectoris;  
Sed quæ tu solido certiore minus  
Sensu despiciens caues.

Seu quas ingenium, quas studium fouet,  
Quas sacre comites vult sapientix  
Artes esse Deus, tu solidas tenes  
Vitæ atque vsibus exprimis.

Nullus te melior scire quid intimo  
Mundi contineat circulus ambitu,  
Seu velles numeris astra frequentibus  
Claris diuidere & notis.

Seu rerum doceas principia, & locum,  
Vires atque vices veraque nomina  
Declares, spacio doctus ab ultimo  
Finem dicere ad infimum.

Quin, te iam studiis emeritum factis,  
Ludendi & cupidum clara Bononia

Spectabat medicos cum legeres libros,  
 Et praecepta salubria.  
 Experti penitus iudicij viros  
 Aequabas medicis legibus & modis  
 Exercere negans, nosse at auens opis  
 Quid nam ars illa serat bonae.  
 Quin primus mihi tu (quam recolo dolens)  
 Auctor, quo didici nomina plurimum  
 Quas plantas Latij terra parit ferax  
 Notas pinxi & imagines.  
 Dum nos Adriaci litoribus maris  
 Erramus cupidi visere, quid mate  
 Vel tellus vario mixta solo & solo  
 Vel vis humidior terat.  
 Dum Verona iugis, Mantua pascuo  
 Nos tractu retinent; Itala montibus  
 Quos diuisa subit longius, vndique &  
 Productos regio colit.  
 Sed maiora tuis dicere de bonis  
 Si fas non prohibet, dona scientiae  
 Sunt coniuncta tuae numine dextero  
 Larga forte benignius.  
 Namque arcana Deus crediderat pio  
 Et non parua tibi (nouimus) at tui  
 Haec simplex animi & vera modestia  
 Fido in pectore clauserat.  
 Inde est quod toties de folij sacri  
 Consultus subito sensibus abditis,  
 Tu responsa refers certa, quibus stupens  
 Doctus doctior exeat.  
 Attentis oculis atque animis diu  
 Tridentique patres & varius chorus  
 Hauserunt eliqui iene fluens tui  
 Flumen puraque munera.  
 Hebraeis vel opus fontibus integros  
 Sensus crueret ac ducere, vel foret  
 Et Graeis petere haec lampadibus, refers  
 Compos splendida lumina.  
 Et Pontificiis qui dederat dies  
 Omnes, Caesariis qui quoque iuribus,  
 & Diuinis etiam tempora legibus  
 Qui sacrauerat omnia.

Vnus

Vnusquisque suis dicere partibus  
 Iurare & poterat te mage idoneum,  
 Exemplove tui, multa simul viro  
 Vni plenius asseri.  
 Sed quò nunc Pietas, quò Sapiencia,  
 Et quò mens variis consiliis potens,  
 Quò roburque animi visque valens tui  
 Miranda & facere & pati?  
 Quò cessit grauitas? quò placidum decus  
 Sermonis facilis? quòve agilis boni &  
 Præsens officij dexteritas loco  
 Nullis tarda petentibus?  
 Tot mors atra præmit cominoda, tot rapit,  
 Ac subducta ferox inuidet vrbibus  
 Nostris? digna die perpetuo magis,  
 Atque annis melioribus.  
 An (quod me melius docta monet Fides)  
 Hæc tu clara Dei regna adiens refers,  
 Atque is qui sibi te vendicat imperans,  
 Hæc vnà petit ac probat?  
 Sic est, obsequiis ille fauet tuis  
 Rex, cui te proprio iure dicaueras;  
 Cuius te solidæ vitæ gloriæ,  
 Cuius quæsieras mori.  
 Illic (fido etenim) te pie Delgade,  
 Te Pax alma beat, te recreat quies,  
 Et Christum Dominum, quem penitus tibi  
 Optaras, propius vides.  
 Et quæ grata Deo sedulus egeras  
 Nunc iam magna tenes munere de Patris  
 Et creuisse vides exiguum tui  
 Cultus semina ad integra.  
 Virtus vera manet, nec moritur, neque  
 Aut spernit famulum deserit aut suum:  
 Hac te teste Deus, Delgade, comprobat  
 Cælesti & sociat gregi.  
 Iam sortem ipsè tuam gratulor, & rogo  
 Te nunc, intrepidus qui, procul ac metu  
 Gaudes, hanc animam, quam tibi vinxeras  
 Partem non modicam tuæ,  
 Commenda Domino, vt participem sui  
 Sensus esse velit, siue laboribus

I 4 Exercere



Exercere paret, seu regat arduis  
Vitæ muneribus breuis.

Ille hoc exigui carcere corporis  
Dum constricta manet, te referet memor,  
Mœrens & gemitu perpetuo, & graui  
Heu desiderio tui.

---

AD D. LVDOVICVM

MANRIQVVM, DE PRO-  
*uidentia Dei in hominum periculis, ex noto &  
proprio utriusque exemplo.*

**V**T magna cali promoueat pios  
Tutela, certo nouimus exitu,  
Narrare laudando parati,  
Et proprij memores laboris:  
Manrique, vitæ pars potior meæ,  
Cum quo legenti sacra volumina  
Diuimque voces audienti  
Sæpe dies mihi præuolabat.  
O semper, (alti seu maris ultimos  
Tentem recessus, seu peragrem nouas  
Terras & orbis claustra præter)  
Me comitem iuniet in e iustis.  
Nil est malorum nil miseri metus  
Iis, prouidentem qui metuunt Deum;  
Hos cura Christi confidentes  
Suscipit, incolumesque præstat.  
Ille & leænæ prærabidam famem  
Cogit suorum parcere sanguini,  
Hos donat expertes fauillæ  
In mediis cecinisse flammis.  
Amnis phaselli munera vestibus  
Iniuncta cernens siccaque pallia  
Miratus haud mergenda vati  
Sternit aquæ stupefactus æquor.  
Minum, sed idem substiterat diu,  
Iussusque cursum verterat in caput,  
Fundumque tradebat beati  
Agminibus populi patere.

Nuper

Nuper tibi  
Magn  
Ludu  
Corp  
Oestro ci  
Curr  
Sulca  
Signa  
Sed null  
Vexa  
Quin  
Cura  
Tunc sol  
Salu  
Mi  
Cor  
Ergo be  
Man  
Assu  
Nos

PAE

Totur

Em  
S P  
Me  
Vo  
Te for  
Ol  
Igr  
Ve  
Hze c  
Ni  
Ta  
De  
Cur  
Ig

Nuper tibi me dum comitem legis  
 Magni petenti colloquium Ducis,  
 Luduce suspensò è quadriga  
 Corpore præcipitem gemebas.  
 Destro citatus dum sonipes fugit,  
 Currumque magno proruit impetu,  
 Sulcabat haud obscura nostrum  
 Signa caput medios per agros.  
 Sed nulla nostri, crede, periculi  
 Vexatum iniquæ ponderibus trabis,  
 Quin prima pressit me salutis  
 Cura tuæ, socij & secunda.  
 Tunc sospitalis dextera Filij  
 Saluos leuato cernere vos dedie  
 Mi nil dolenti, miq̃ue sano  
 Corpore præualidisque membris.  
 Ego benignas pauperibus manus  
 Manrique (Christo munera dulcia)  
 Assuetus extendas memento:  
 Nos tenues numeros dicamus.

PARAENESIS AD MENTEM PROPRIAM.

*Totum ex verborum sanctorum interpretatione  
 compositum, mysteria continet.*

S Emota curis, libera, & integra,  
 Præfens, decensque & tota potens tui  
 Mens nostra votis & secunda  
 Voce Deum celebra supernum.  
 Te somnus, ô Mens, dedecet impigrant,  
 Obliuiosa ac principij tui  
 Ignara quò tendas, & vnde  
 Veneris, esse fuge, admonebo.  
 Hæc cura, Mens, hic sit labor vnicus,  
 Nunquam remissæ hoc studium tibi,  
 Tam multa mirari canendo  
 Dona tui artificis patrisque.  
 Cur muta tanquam bellua negligas?  
 Ignara stertas cur velut ebria?

I 5

Deducta

V M

R O-

noto &

Nuper

Deducta si prudentiarum  
 Fonte fluis sapientiaque.  
 Te sancta norunt, te loca lucida;  
 Te puriorum spirituum chori,  
 Vt cunque nunc terris moraris,  
 Nosse tamen sociam farentur.  
 Ornata plenis consiliis fide  
 Constantiaque accincta sinus ades,  
 Terrena membrorum lutique  
 Abiice vincla, quibus laboras.  
 Non te cupido deficiat lenem,  
 Te nec voluptas corporis imbuat,  
 Quas hora non possit fluentes  
 Instar aquae celeres morari.  
 Has nulla virtus, nullave commoda  
 Ducunt petentes hospitium tui,  
 Quod semper vsurpant secuta  
 Dedecus opprobriumque turpe.  
 Angustiarum, queis premeris nimis,  
 Pertusa sordes effuge, & aureos  
 Ascende campos, ac sacros  
 Docta tuos penetra recessus.  
 Sic arcta, cernes, quam trahis, vt domus  
 Sit fulta parui munere pulueris  
 Et face refulis, leuique  
 Surgat opus cinerum fauilla.  
 His mixta succi stilla madet grauis,  
 Quam vis caloris percoquit humidum,  
 Parumque distantem reponit  
 Vermibus, indigenisque coeni.  
 Nil carne primo in corpore mollius,  
 Quam vel videre ac tangere respuas,  
 Mox haec iniquo pressa crescit  
 Carcere compedibusque caxis.  
 Atris tenebris obsita delitet  
 Noctes dies & perpetuos auens  
 Nec dum videntem se fatigat,  
 Improba sollicitatque egestas.  
 Nil illa sentit, nil sine te sapit:  
 Seruat superstes semina pulueris  
 Extinguitur mox vt priores  
 In cineres redit & fauillas.  
 Viuens pudendis praedia vermibus

Inuita præbet, bellaque sustinet  
 Derosa nec nouit minutas  
 Effugere aut superare pestes.  
 Ne relicta vt conciderit manus  
 Que sit sinistra aut dextera non videt,  
 Et viuit infernetque sese  
 Et gregibus scætet exedentum.  
 Ego supernum contineas tibi  
 Regina clauum. nam sapientium  
 Consulius in stultas cateruas  
 Imperium Deus esse firmat.  
 Sum tu pudendo colla dabis iugo  
 Strictæque carnis brachia vinculis?  
 Huiusve damnosum improbando  
 Seruitio imperium sequeris?  
 Molens furentem sperne potentiam,  
 Et stulta carnis consilia abiice,  
 Mentiaque huius commodorum  
 Nomina & vtilium caueto.  
 Consiste in eius, quam properas, vitæ  
 Sublimiori vertice, & omnium  
 Quæcunque præcedunt, & instante  
 Despice Mens bene cauta fines.  
 Terrena non tu ceruis vt omnia  
 Exorta parui principis luti  
 Dissiecta non vnus ruinis  
 In cinerum redeant aceruos?  
 Nil hinc creatum conspicitur, nihil  
 Ortum nitescit, cuius & exitus  
 Non certus æquæ constet auctum  
 Quidquid erit, minuetur omne.  
 Mors, Vita iunctas continuant manus,  
 Exercitatum & substitunt opus,  
 Præcedit hæc, succedit illa,  
 Certa comes celeratque gressum.  
 Perlustat omnes vtraque vis domos,  
 Meretur omnem, qui colitur, locum  
 Et parua magnis mixta pingens  
 Indicibus tabulis refigit.  
 Dat vita natis principium, comes  
 Mors atra finem, sed variis modis  
 Plerumque texens imparatis  
 Inlidias operosa tendit.

Vt Vita

Inuita

Ut Vita muros exstruit artifex,  
 Fundo reuulsos Mors ruit infimo:  
 Ut vita plantat conferitque,  
 Vis metit eruit atque Mortis.  
 Quod Vita lecto munere congregat,  
 Dissungit hoc Morsque inuida dissipat,  
 Nec fortis, ô Mens, huius in te  
 Vertibilem experieris vnam.  
 Exclusa clastro corporis intimo,  
 Cedet fluentis temporis horulæ,  
 Aeternaque æternis parata  
 Sæcla petes, aliamque sedem.  
 Tunc vel virorum præmia fortium,  
 Vel impiorum terribiles feres  
 Pœnas, probati pro laboris  
 Iudicio, aut sceleris maligni.  
 Nam quicquid vnquam concipies boni,  
 Quicquid malive admiseris, hoc breui,  
 Quo nunc probaris missa, cursu,  
 Nominibus pater omne certis.  
 Quare reiectis consiliis, mala  
 Queis cura carnis decipit insciam  
 Vulgus, resurge, ac tende in alti  
 Seruitium studiumque Regis.  
 Hunc tu dicata laudis amabili,  
 Hunc quare grati munere carminis,  
 Hunc prona procumbens adora,  
 Hunc genibus tremebunda flexis.  
 Huic & supinas tende manus, neque  
 Parcas tepentes ducere riuulos,  
 Quos supplicis de rore vultus  
 Fundat honor, timor atque castus.  
 Et Spes canenti sufficiat modos,  
 Et verba dixer nil trepidans Fides,  
 Ardentis vsque & fax Amoris  
 Temperet expediatque vocem.  
 Formam decoris Rex cupiet tui  
 Vultu benigno dulcis, & induet  
 Te Pacis almæ te beatæ  
 Iustitiæ expediente cultu.  
 Mens in remotos est tibi nunc via  
 Cæli recessus, est iter arduum,

Ergo

Ergo par  
 Fercula p  
 mura nefe  
 Momenta  
 Non lue  
 Portio, n  
 mura neu  
 Nam Me  
 Sese vid  
 Indicat i  
 mper sag  
 Semper  
 Securior  
 Vere nou  
 tua pensa  
 Parata c  
 Hæc er  
 Prouida  
 Præsentis a  
 Condict  
 Nunc p  
 Est tibi  
 Dies, reue  
 Corpus  
 Ah fall  
 Sperat  
 Illa & fru  
 Sudore  
 Atque  
 Contin  
 Illa impic  
 Huc p  
 Illa &  
 Cum  
 Que stul  
 Nouit  
 Nortu  
 Legiti  
 Mens ere  
 Rebu  
 Error  
 Excu  
 Audire l

Ergo parato certa in usus  
 Fercula prospiciens futuros.  
 Hora nescis quid pariet dies,  
 Momenta nulla aut tempora proroges,  
 Non lucis hesternæ redibit  
 Portio, non hodierna stabit.  
 Hora neu te crastina differat:  
 Nam Mors tenebris obsita turbidis  
 Sese videndam nulla puris  
 Indicat insinuans diebus.  
 Semper sagittas illa iacit leuicis,  
 Semperque tendit retia, nec finit  
 Securiore ire soles.  
 Vere nouo aut hyeme in serena.  
 Hora pensa in horas sunt tibi singulas  
 Parata cunctis, queis fueris, locis;  
 Hæc ergo curabis, neque vllis  
 Prouida temporibus remittes.  
 Presentis an te fallere liberis  
 Conditionis legibus haud fines?  
 Nunc poenitendi quæ facultas  
 Est tibi, post subito auolabit.  
 Dices, reuertar doctior, & piis  
 Corpus reuifens perfruar vsibus.  
 Ah fallitur, qui bis merendi  
 Sperat adhuc reuocare cursum.  
 Illa & fruuntur sæcla manentibus  
 Sudore partis diuitiis breui,  
 Atque illa mercedis piorum  
 Continuunt, placidam & quietem.  
 Illa impiorum supplicium graue  
 Huc præparatis ignibus instruunt;  
 Illa & scelestis vsque subdunt  
 Cum lachrymis gemitus perennes.  
 Quæ stulta quondam turba negauerat  
 Nouisse puris luminibus Deum,  
 Notumque quæsisse decenter,  
 Legitimo ac petiisse cultu.  
 Mens ergo rectum si sapias, tibi  
 Rebus tuis & prouida consules,  
 Erroris atque omnis pudendas  
 Excuties tenebras maligni.  
 Ergo Audire lenæ & consilium pete

Prudentia-

Prudentiorum certa mōnentium;  
 Ut blandientis tecta linguæ  
 Combibere aufugias venena.  
 Sententiarum, quas vaga mens bene  
 Tandem reducti perdocuit viri  
 Prudentis vfu dono & amplo  
 Disce breuem memoraque summam.  
**HIC FINIS**, hic est dixerat omnium  
 Quæcunque terris quarimus infimis,  
**AVDISSE** sermonem iubentis  
 Numinis & coluisse leges.  
 Nam cuncta pleno iudicio Deus  
 Gubernat, idemque omnia peruides  
 Virtutis assertor paterque  
 Et vitij scelerumque vindex.  
 Hinc tu patronum sollicita aduoca  
 Qui te creator protulit, ac mali  
 Serpentis elusam dolosis  
 Artibus eripuit redemptor.  
 Illius almam iustitiam petes,  
 Hic summa regno iura patent tuo,  
 Quæ solus attingit modestus  
 Grex ouium officiique cultor.  
 Sic ultimo te dextera fors die  
 Tangat beato munere, nec scias  
 Vultus minaces in sinistram  
 Caprigenum sobolis cateruam.  
 Splendebit illa vt lux gemina face,  
 Hinc murmur altum, fulgura, fulmina,  
 Dira æstuantis vox fragoris  
 Atque poli sonitus ruentis.  
 Illinc sereno candida sidere  
 Tempus quietæ pacis, & integræ  
 Immota producet, neque vlllos  
 Hora feret varianda motus.  
 Tunc sol tibi, ô Mens, iustitiæ intima  
 Virtute sistet clarus & efficax,  
 Cuius salubri fora viues  
 Præsidio medicisque pennis.  
 Nunc læta cantu, nunc fidibus tuum  
 Mens surge magnum dicere Principem,  
 Quamquam minores huic sacrare  
 Perpetuas decet vsque laudes.

F I N I S.